

Chilen iskanbila latza sortu dute Pinocheten hitzek

SANTIAGO DE CHILE

Augusto Pinochet jeneralaren inguruan berriro ere iskanbila sortu da. Ohi zen bezala Patricio Aylwin Chileko lehendakariak jenerala ohar-tzeaz arduratu beharra izan zuen. Bere azken hitzek, Santiago de Chileko hilerrian aurkitu ziren zerraldoak lurperatzeko modu egokia goraipatzean chiletarren kontzientzia astindu zuten. Duela 18 urte bere alde atera ziren sektore eskuindarrek ere gogor kritikatu zituzten diktadore ohiaren hitzak.

Ezaguna zen Pinochetek hitz gogorrei zien zaletasuna. Aylwin lehendakariak jeneralaren hitzak zirela eta behin baino gehiago estutasunetan aurkitu zen. Diktadore ohiak Alemaniako Armadaz hitzegiterakoan «homosexual, ile-luze, sindikalista, marihuana eta drogazaleak» zirela esan zuen inolako lotsarik gabe. Elizak Katolikoak bere erregimenean eginiko torturak eta desagerpenak salatzean bera katoliko, apostoliko eta erromatarra izan arren inozoa ez zela esan zien bertako gotzainei. Estatu kolpearen 18. urtemugarako egun gutxi falta direnean Pinochetek garbi utzi du bere harrokeria komunismoa kentzean eskarmentu paregabea eman zuela esatean.



Polizia hegoafrikar bat borroketan hildako bat estaltzen.

Johanesburgeko heriotzak 57ra igo dira igandeko borroketan

JOHANESBURG

52 lagun hil ziren herenegun Hego Afrikan, Afrikako Kongresu Nazional (ANC) eta Inkata talde zuluaren jarraitzaileen arteko enfrontamenduetan, Johanesburgeko auzo beltzetan, iturri polizialek atzo adierazi zuenez. Enfrontamenduak, ustez ANCKo hiru jarraitzaileek Johanesburgeko estadio batean egin behar zen mitinera zihoazen Inkata taldeko jarraitzaileak tirokatu zituztenean

EKn integratzea eztabaidagai nagusia Norvegiako bozketetan

Atzoko hauteskundeetan batasun europarraren aldekoak porrotaren arriskuan

Europako Komunitatean sartu ala ez izan da atzo Norvegian egin ziren hauteskundeetako kanpainaren eztabaidagai nagusia. Hauteskunde hauetan Udalen eta Kontseiluen osaketa erabakiko da, Legebiltzarra bere agintaldiaren erdialdera iritsi den honetan. Emaizta ofizialen zain, Gobernuan dagoen Alderdi Laboristaren beherakada iragarri dute inkestek.

OSLO

Hauteslegoa (3,3 milioi lagun eta horietatik 81.000 duela hiru urtetik gora Norvegian bizi diren atzerritarrek) Europar integratzea proposatzen duten alderdien aurka jarri da, eta horiek jasoko dute jipoirik handiena, Gobernuak Alderdi Laboristak eta Hoyre kontserbadoreak, oposizioko talderik handienak, hain zuzen.

Eztabaida europarrak ezkerreko sozialistak eta zentrukoak aurrera bultzatu ditu. Bi talde hauek Europako Komunitatean sartzeari uko egin diote eta beren mitinetako diskurtsoek hauteslegoaren nazionalismoa indartu dute.

Igandean agertutako inkestek, Gobernuak alderdiari botoen % 32,7



Brundtlanden Alderdi Laboristak porrot egin dezake hauteskundeetan.

ematen diote, duela lau urte % 35,9 lortu bazuen ere. Hoyrek berriz, % 22,7 lortuko luke 1987tik 1,2 puntu jaitsiz. Ezkerreko sozialistek ordea, beren boto kopurua bikoiztuko lukete, % 13,2ra igoko lirake eta.

LEHEN MINISTROAREN MEHATXUA

Europako Komunitatearen integrazioarako debateak istiluak sortu ditu, eta Gro Harlem Brundtland-ek, Norvegiako gobernuburuak bere dimisioa eta bere exekutibarena aurkeztearekin mehatxatu du. Brundtlandek hauteskundeon ondoren dimititu egingo zuela esan zuen, beste alderdi politikoek Gobernuari laguntzen ez bazioten Komertzio Askerako Elkartea Eu-

roparra eta Europako Komunitatearen arteko negoziaketetan. Negozia eta hauekin lurralde ekonomiko europarra osatu nahi da. Baina azkenean, lehen ministroaren mehatxua Legebiltzarreko Atzerri Komisioarekin biltzeko deialdira mugatu zen.

Norvegiak 1972an EKn sartzeari uko egin zion erreferendum baten bidez, % 53,5ek ezezkoa esan bait zion, eta gai honek bertoko biztanleria zatitzen segitzen du, duela gutxi bere aldameneko Suediak EKn sartzeko eskaera egin ondoren.

Inkestek diotena betetzen den ala ez gaur emango du jakitera Oslok, baina EK-ko eztabaidagaiak gerra ondorengo desenplegu tasarik handiena estaltzea lortu du.

Argentinan Menemen Alderdi Justizialistak irabazi zuen

BUENOS AIRES

Argentinako hauteskundeetan Carlos Menem lehendakariaren Alderdi Justizialistak garaipen nabarmena lortu zuen. Atzean gelditu zen Raul Alfonsinen UCR, Alderdi Erradikala. Ultraeskuindarrak hirugarren postua lortu zuten Buenos Aires hiriburuan. Argentinarek botoa emateko orduan ez zuten kontutan izan Menemen familiaren inguruan diru beltza zuritzeagatik sortu zen iskanbila.

Garaipenaren arrazoiaren artean, adituak ados agertu ziren Domingo Cavallo Ekonomia ministroak inflazioaren aurka egindako kanpaina erabakiorra izan zela argentinarentzat botoa ematerakoan. Cavallo abuztuko inflazioa % 1,3ra jaistea lortu zuen, azken 17 urteetan inork lortu ez zuena. Ekonomia ministroa legegizon, esportatzaile eta enpresariekin bildu eta bere estabilizazio plana ezartzeko laguntza lortu zuen.

Raul Alfonsin, Argentinako lehendakari ohiaren Alderdi Erradi-

✓ Raul Alfonsin, Argentinako lehendakari ohiaren Alderdi Erradikalak Cordobako probintzian eta Buenos Airesen lortu zuen botoen gehiengoa.

kalak Cordobako probintzian eta Buenos Airesen botoen gehiengoa lortu zuen. Beste Probintzia guztietan Neuquen-en ezik, Alderdi Justizialista inposatu zen. Neuquen probintzian bertako 'Mugimendu Herriko' Neuquendarrak lortu zuen garaipena. Aldo Rico, 1987 eta 1988an Estatu kolpeak egin zituen koronelaren 'Duintasun eta Independentziarako Mugimenduak' hirugarren postua lortu zuen Buenos Airesen.

Aipatzekoa da Carlos Reutemann F-1eko pilotuak eta Ramon 'Palito' Ortega abeslariak lortutako garaipena Santa Fe eta Tucuman probintzietan. Biak Alderdi Justizialistaren hautagaiak ziren hauteskundeetan.

LABURREAN

ESCOBAR kokaina saltzetik txerriak zaintzera pasa da

Pablo Escobar, 'Medellinek' Kartelaren buruzagi nagusia Colombiako agintarien eskuetan jarri zenean bere kokaina negozioa utzi eta txerri, ahate eta amuarrainak hazten hasi zen. Colombiako lehendakariak Estatu Batuetara ez zutela bidaliko eta espetxe berezia eraikiko ziotela agindu ondoren, Escobarrek entregatzea erabaki zuen. Escobarren abokatuek Estatuak presoan errehabilitaziorako bideak jarri behar zituela adierazi ondoren, abereak erosteko dirua lortu zuten.

AUSTRALIAKO krisi ekonomikoa gainditu zen

Australia eta New Zealand-eko Bankuak egindako txosten batean adierazten zenez, Australiako ekonomiak azken urteotan jasaten zuen krisia gainditzeko hasi zen. Txostenak lanpostuen eskaintzak eta etxebizitzien salneurriek goraka egin zutela zioen. Era berean joan zen urtean inflazioa % 7,7koa izan bazen, aurtun berriz % 3,4 ez gainditzeko espero zela adierazi zuten.

TXINAN hasi dira disidenteak askatzen

Luo Haixing, Hong Kong-eko enpresaria libre utzi zuten Txinako agintariek. Luo Haixing Tiananmen plazako gazte disidentei laguntzeagatik giltzaperatu zuten. John Major Lehen ministro britainiarrek Txinara egin zuen bisitan Luo Haixing-en askapena eskatu zuen, beste disidente askoren artean. Tiananmen plazan egindako protesten ondorioz zenbait gazte hil, eta atxilotu zituzten Txinako agintariek.

MALVINA Irletako gerran britainiarrek exekuzioak egin omen zituzten

Vince Bramley, Malvina irletako gerran borrokatu zuen soldadu britainiarrek adierazi zuenez, bere konpainiako batzuek bi soldadu argentinak exekutatu zituzten. Erresuma Batuko Defentsa Ministeritzak Bramley-k idatzitako 'Excursion to Hell' liburuan azaltzen diren gertakizunak ikertzen ari zen. Bramleyk 'The People' aldizkariari eginiko adierazpenetan hiru mertzenari estatubatuar hil zituztela ere azaldu zuen.